

Segunda sairada grischuna-rumantscha en chasa federala

■ (cp) La grupp parlamentara «lingua e cultura rumantscha», fundada cun success avant in onn, envida a la 2. sairada grischuna-rumantscha ils 10 da december 2014 a Berna. En il rom da quest'occurrentza vegnan era discutads temas sco l'instrucziun tempriva da linguas estras en scola primara, il rumantsch ordaifer il territori linguistic tradiziunal e la missiva da cultura da la Confederaziun.

La grupp parlamentara «lingua e cultura rumantscha» ha var 60 commembers e vegn presidiada da cusseglier nazional *Martin Candinas* PCD/GR. Ella e vegnida fundada il 2013 per il giubileum da 75 onns rumantsch sco quarta lingua nazionala. La discussiun actuala davart l'instrucziun tempriva da linguas estras en scola primara suttastritga l'importanza da las linguas per la coesiun so-

ciala en Svizra. Ulteriurs temas actuals èn dumondas en connex cun il rumantsch ordaifer il territori linguistic tradiziunal sco era la missiva da cultura da la Confederaziun 2016–2019 che definescha la politica culturala da la Confederaziun dals proxims onns.

En preschientscha da cussegliera federala *Eveline Widmer-Schlumpf* e d'auters giasts d'onur ha lieu il segund inscunter da la grupp parlamentara «lingua e cultura rumantscha»

Lieu ha l'occurrentza mesemna, ils 10 da december 2014 suenter la sesida dal Parlament (ca. a las 19.00) en la Galerie des Alpes da la Chasa federala Divertiment musical: «La Triada» cun *Astrid Alexandre*, *Corin Curschellas* ed *Ursina Giger* Organisatura: Lia Rumantscha (www.liarumantscha.ch)